



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՅՈՑ ՁՈՐԻ ՄԱՐԶ
ԵՂԵԳՆԱԶՈՐ ՀԱՄԱՅՆՔ

ՀՀ Վայոց Ձորի մարզի Եղեգնաձոր համայնք

27 հուլիս 2023թ.

ԱՐՁԱՆԱԳՐՈՒԹՅՈՒՆ N 9
ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Համայնքի ավագանու նիստին ներկա էին ավագանու 13 անդամներ:

Բացակա էին՝ Ծովինար Հովհաննիսյանը, Կարեն Մանասերյանը, Սոնա Մարգարյանը, Եղիշե Նազարյանը, Տիգրան Նազարյանը, Մարատ Շահբազյանը, Էմիլ Սարգսյանը և Վահե Վարդանյանը:

Նիստին մասնակցում էին՝

Համայնքի ղեկավարի օգնական Գառնիկ Խաչատրյանը և համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արմեն Աղաջանյանը:

Նիստը վարում էր համայնքի ղեկավարի առաջին տեղակալ՝ Վարդան Ավագյանը:

Նիստն արձանագրում էր աշխատակազմի քարտուղար՝ Մարինե Հովհաննիսյանը:

Լսեցին.

ԵՂԵԳՆԱԶՈՐ ՀԱՄԱՅՆՔԻ ԱՎԱԳԱՆՈՒ 2023 ԹՎԱԿԱՆԻ ՀՈՒԼԻՍԻ 27-Ի
ԱՐՏԱՀԵՐԹ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

/Ձեկ. ՎԱՐԴԱՆ ԱՎԱԳՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 14-րդ հոդվածի 6-րդ մասի պահանջներով՝ **ավագանին**
ո թ ո շ Ե Գ.

1. Հաստատել Եղեգնաձոր համայնքի ավագանու 2023 թվականի հուլիսի 27-ի արտահերթ նիստի հետևյալ օրակարգը.

1) Եղեգնաձոր համայնքի ավագանու 2023 թվականի հուլիսի 27-ի արտահերթ նիստի օրակարգը հաստատելու մասին:

2) Եղեգնաձոր համայնքի 2023 թվականի բյուջեում փոփոխություններ կատարելու մասին:

3) Եղեգնաձոր համայնքի տարածքում ճանապարհային երթևեկության կազմակերպման սխեման հաստատելու մասին:

4) «Թավիթիան Վինյարդս» սահմանափակ պատասխանատվությամբ ընկերությանը սեփականության իրավունքով պատկանող հողամասի նպատակային նշանակությունը փոփոխելու համար համաձայնություն տալու մասին:

2. Սույն որոշումն ուժի մեջ է մտնում ստորագրման պահից:

Կողմ-13	Դեմ-0	Ձեռնպահ-0
---------	-------	-----------

Որոշումն ընդունված է. /կցվում է որոշում N 90-Ա/

Լսեցին.

ԵՂԵԳՆԱՁՈՐ ՀԱՄԱՅՆՔԻ 2023 ԹՎԱԿԱՆԻ ԲՅՈՒՋԵՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

/Ձեկ. ՎԱՐԴԱՆ ԱՎԱԳՅԱՆ, ՄԱՐԻՆԵ ՀՈՎՀԱՆՆԻՍՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5-րդ կետով և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 33-րդ հոդվածի 3-րդ և 4-րդ մասերի պահանջներով՝ **ավագանին որոշեց.**

1. Եղեգնաձոր համայնքի ավագանու 2023 թվականի հունվարի 26-ի թիվ 02-Ն որոշմամբ հաստատված բյուջեում կատարել հետևյալ փոփոխությունները.

Եկամտային մասի այլ ոչ հարկային եկամուտ 7452 հոդվածին ավելացնել 9 000 000 (ինը միլիոն) ՀՀ դրամ և նպատակաուղղել՝

ա. գործառնական դասակարգման բաժին 08 խումբ 01 դաս 01 (հանգստի և սպորտի ծառայություններ) ոլորտի տնտեսագիտական դասակարգման 4261 (գրասենյակային նյութեր և հագուստ) հոդվածին՝ 100 000 (մեկ հարյուր հազար) ՀՀ դրամ՝ Համահայկական 8-րդ խաղերին մասնակցող Եղեգնաձոր համայնքի պատվիրակությանը մարզակոշիկ գնելու նպատակով,

բ. գործառնական դասակարգման բաժին 01 խումբ 06 դաս 01 (ընդհանուր բնույթի հանրային ծառայություններ) ոլորտի տնտեսագիտական դասակարգման 4637 (ընթացիկ դրամաշնորհներ պետական և համայնքային ոչ առևտրային

կազմակերպություններին) հողվածին՝ 3 480 000 (երեք միլիոն չորս հարյուր ութսուն հազար) ՀՀ դրամ՝ «Եղեգնաձորի համայնքային տնտեսություն» ՀՈԱԿ-ին ընթացիկ և կապիտալ ծախսերի ֆինանսավորման համար,

զ. գործառնական դասակարգման 11 խումբ 01 դաս 02 (պահուստային ֆոնդ) ոլորտի տնտեսագիտական դասակարգման 4891 (պահուստային միջոցներ) հողվածին՝ 5 420 000 (հինգ միլիոն չորս հարյուր քսան հազար) ՀՀ դրամ.

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-13	Դեմ-0	Ձեռնպահ-0
---------	-------	-----------

Որոշումն ընդունված է. /կցվում է որոշում N 91-Ն/

Լսեցին.

ԵՂԵԳՆԱՁՈՐ ՀԱՄԱՅՆՔԻ ՏԱՐԱԾՔՈՒՄ ՃԱՆԱՊԱՐՀԱՅԻՆ ԵՐԹԵՎԵԿՈՒԹՅԱՆ ԿԱԶՄԱԿԵՐՊՄԱՆ ՍԽԵՄԱՆ ՀԱՍՏԱՏԵԼՈՒ ՄԱՍԻՆ

/Զեկ. ԱՐՄԵՆ ԱՂԱՋԱՆՅԱՆ, ՎԱՐԴԱՆ ԱՎԱԳՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 4.3-րդ կետով և հիմք ընդունելով այն հանգամանքը, որ Եղեգնաձոր համայնքի տարածքում անվտանգ երթևեկության կազմակերպման ճանապարհային սխեման համաձայնեցված է լիազոր մարմինների հետ՝ **ավագանին ո ղ ո շ է ց.**

1. Հաստատել Եղեգնաձոր համայնքի տարածքում անվտանգ երթևեկության կազմակերպման ճանապարհային սխեման՝ համայնքային ենթակայության ճանապարհների մասով:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-13	Դեմ-0	Ձեռնպահ-0
---------	-------	-----------

Որոշումն ընդունված է. /կցվում է որոշում N 92-Ն/

Լսեցին.

«ԹԱՎԻԹԻԱՆ ՎԻՆՅԱՐԴՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ՊԱՏԿԱՆՈՂ ՀՈՂԱՄԱՍԻ ՆՊԱՏԱԿԱՅԻՆ ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ ՀԱՄԱՐ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

/Զեկ. ՎԱՐԴԱՆ ԱՎԱԳՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 29-րդ, 31-րդ կետերի, Հայաստանի Հանրապետության հողային օրենսգրքի 3-րդ հոդվածի 1-ին կետի պահանջներով, հիմք ընդունելով Հայաստանի Հանրապետության կառավարության 2011 թվականի դեկտեմբերի 29-ի N 1920-Ն որոշմամբ հաստատված կարգի պահանջները, Հայաստանի Հանրապետության կառավարության 2021 թվականի հունիսի 17-ի N 987-Ն որոշման հավելվածի 14-րդ կետը և «Թավիթիան Վինյարդս» ՍՊ ընկերության ներկայացուցիչ Վարդան Խաչատրյանի դիմումը՝ **ավագանին որոշեց**.

1. Տալ համաձայնություն «Թավիթիան Վինյարդս» ՍՊ ընկերությանը սեփականության իրավունքով պատկանող, Եղեգնաձոր համայնքի Եղեգնաձոր բնակավայրի վարչական տարածքում գտնվող 1.85303 հա մակերեսով գյուղատնտեսական նշանակության արոտավայր հողատեսքից (անշարժ գույքի իրավունքի պետական գրանցման թիվ 09082022-10-0003 վկայական, կադաստրային ծածկագիր՝ 10-001-0307-0035) 0.11 հա-ի նպատակային նշանակությունը՝ բնակավայրերի, գործառնական նշանակությունը՝ հասարակական կառուցապատման փոխելու համար:


2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-13	Դեմ-0	Ձեռնպահ-0
---------	-------	-----------


Որոշումն ընդունված է. /կցվում է որոշում N 93-Ա/

Նիստին ներկա ավագանու անդամներ


ՎԱՐԴԱՆ ԱՎԱԳՅԱՆ




ԱՍՏԴԻԿ ԲԱԲԱՅԱՆ




ԱՐՇԱՎԻՐ ԲԱՅԱԹՅԱՆ




ԴԱՎԻԹ ՀԱՐՈՒԹՅՈՒՆՅԱՆ



ՆԵԿՏԱՐ ՀՈՎՀԱՆՆԻՍՅԱՆ




ԹԱՄԱՐԱ ՄԿՐՏՉՅԱՆ



ԴԱՎԻԹ ՄՈՎՍԻՍՅԱՆ



ՄՈՒՇԵՂ ՆԵՐՍԻՍՅԱՆ



ՍԱՄՎԵԼ ՈՍԿԱՆՅԱՆ



ԳՐԻԳՈՐ ՍԱՐԳՍՅԱՆ

[Signature]

ԾՈՎԻՆԱՐ ՍԱՐԳՍՅԱՆ

[Signature]

ԱՐՄԵՆ ՎԱՐԴԱՆՅԱՆ

[Signature]

ՌՈՄԻԿ ՎԱՐԴԱՆՅԱՆ

[Signature]

Համայնքի ղեկավարի առաջին տեղակալ

ՎԱՐԴԱՆ ՎԱՐԳՅԱՆ



Նիստին արձանագրության հարիստ Հովհաննիսյանը
